

A painterly illustration of a young shepherd with dark hair and a beard, wearing a yellow tunic and brown trousers. He holds a wooden staff in his right hand and reaches out with his left hand towards a small white lamb. The setting is a rocky, grassy hillside under a blue sky with distant mountains.

# Obokonyi Korwa Igoro

ABEKIRE AMO NA  
WATSON GOODMAN

BOSA—TIKERI KONIGWA

## OBOKONYI KORWA IGORO

“OBOKONYI KORWA IGORO” agatabu aka nigo kabogoretie amariko arusirie ase Ebibilia naro nigo agokwana amangana y’engencho eyemo. Inche negenire inga Ebibilia nero egetabu kebogoretie amairanio onsi pi igoro ya Nyasae.

Ringana ria Nyase nigo “rikorwa igoro”, nario rigokonya emiyo ere nenchara amo nerango y’ekeene. Omonto ekero aang’amire, na gotiga ebibe, na komochika Omonene Yeso Kristo ase enkoro yaye, na kwegena n’enkoro yaye yonsi inga Omonene Yeso nere Omotoria, Omonene neorokie Omonyene na kobeka omogoko oye n’Omorembe ase enkoro y’Omwegeni. Amangana aya nanyikerete inche ase enkoro yane omwaka 1937, na goika bono ningendererete tindasaria obomo obo korwa ase Omonene. Nagochikire bwerwe ase Yeso abe Omotoria oo na Omonene oo **BONO** iga, onye konya toramwancha, agwo ritang’ani. — Watson Goodman (1920-2002)

# **OBWANCHANI BWA NYASAYE**

1

## **Yeremia 31:3**

**OMONENE akang'orokera a-gwo kare, agakwana, Ee, nagwan-chire ase obwanchani botakoe-ra: ase obwanchani ime y'obwo-rogo nakong'usire gocha asende.**

## **Yohana 3:16**

**Naki Nyasaye ayianchete ense, goika akarua Omwana oye omo-moima, erinde 'monto onde bwe-nsi oyomwanchire tasira, korende anyore obogima bwa kare nakare.**

## **Yohana 13:1**

**Goika ritang'ani rie rituko rine-ne ri'epasaka, Yesu akamanya ng'a ensa yaikire akorua as'ense**

**eye kogenda ase Tata, akaba aka-bancha abanto baye as'ense, aka-bancha goika omoerio.**

## **Abarumi 5:8**

**Korende Nyasae oorokirie obwanchani bwaye asetore, ekia-gera Kristo nakwete as'engencho yaito, ekero twarenge abanyene ebibe.**

## **Okomanoka 1:5**

**Na korwa ase Yesu Kristo, oyore omorori omwegeni, omoiborwa bwe ritang'ani bw'abakure, nomogambi bw'abaruoti b'ense. Asare ere oyotwanchete nagotosibia ebibe biaito as'amanyinga aye.**

## I Timotheo 3:16

**Naende nering'ana ritari nokoamererania nobobisi bw'okoba nechingecho chia Nyasaye; Ere oo-rogetigwe as'omobere, akabarerwa oboronge as'omoika, akarorekana namalaika, akarandigwa as'ebisaku, akegenwa as'ense, akabogori-gwa igoro as'obonene.**

## Mathayo 1:22,23

**Naya onsi igabaire nario rirakerane eriakwanetwe n'Omonene as'omonwa bw'omobani okobora, Rigereria, enyaroka nebe morito, naende naibore omwana omoisia, nere erieta riaye nabamoroke Imanueli; engecho yaye kariraonchowe, Nyasaye amo naintwe.**

## Yohana 14:9,10a

**Yesu akamotobia, Nabeire amo nainwe amatuko aya onsi naye to-manyeti, Filipo? Oyondorire inche, omororire Tata; naki ogoteba aya, Tworokie Tata? Tibwancheti ng'a inche igonde ime ase Tata, na Tata ime yane?**

## Yohana 1:1 na 14

**Omochakano ndiarengé Ring'ana, ne Ring'ana iga riarenge amo na Nyasaye, narirorio Ring'ana iga riarenge Nyasaye. . . Narirorio Ring'ana rigakoreka omobere, agai-karansa asetore, (tokaborora obonene bwaye, obonene buna obw'omwana omomoima orure ase Tata), oichire obuya nekeene.**

## Abakolosai 2:9

Naki asore nao boikaransete o-boikeranu bwonsi **Obonyasaye** a-s'engecho y'omobere.

## Luka 1:35

Rilaika rikairaneria rikamotobia, Omoika Omochenu nogoche-re, nechinguru chiaye Oyore Igoronachikobekere ekiriri: as'ayio oyo-raiborwe narokwe omochenu, Omwana o Nyasaye.

## Mathayo 17:5

Erio gagokwana, rora, rire rira-bu rikabeka ekiriri, neriogi rikarua ase rire rigoteba, Oyo nere O-

mwana one, omwanchi one, na-ncheirwe asare, moigwere.

## I Yohana 4:15

Ker'oyogoteba ng'a Yesu n'Omwana o Nyasaye, Nyasaye igai-karansete ime asare nere ase Nyasaye.

## Isaya 9:6

Ase tore Omwana oiboirwe, ase tore omoisia twaeirwe: **Obogambi** mbobe igoro yaye: erieta riaye narokwe Ogokumia, Omorai Omosani, Nyasaye omobui, Tata okare nakare, **Omonene bw'omorembe**.

# YESU OKWEMANYIA ERE NINGO

## **Yohana 11:25**

**Yesu akamotobia, Inche noko-bokigwa nobogima: oyonyanchire inche, nonya ogokwa, nanyare koba moyo.**

## **Yohana 8:58**

**Yesu akabatebia, Ekeene, ekee-ne, nabatebirie, Ritang'ani Ibrahi-mu ataraba, Inche nao nare.**

## **Yohana 9:5**

**Ekeri inde as'ense, inche nomo-baso bw'ense.**

## **Yohana 13:13**

**Inwe iga mokondoka Omworo-kia, naende Omonene: naende i-**

nwe mbuya mokobora, naki na-boigo inde.

## **Yohana 6:35**

**Yesu akabatebia, Inche nomo-gati bw'obogima: ere oyogocha a-sende takoigwa enchara naende, nere oyoranyanche takoigwa era-ng'o nonya ng'ake.**

## **Yohana 10:7**

**Erio Yesu akabatebia naende, Ekeene, ekee-ne, nabatebirie, Ni-nche egesieri gie ching'ondi.**

## **Yohana 8:23**

**Akabatebia, Inwe naba inse; In-che noyo igoro: inwe nabe ense eye; Inche tindi oyo bw'ense eye.**

**Mathayo 14:19-21**

**Agachika emeganda eikaranse inse as'obonyansi; akabwata emegati etano nechinswe ibere, akagereria igoro, akayesesenia, akayesamunyora, akabaa aborokigwa emegati eyio, naborokigwa bakaaba emeganda.** Bakaria bonsi, bakaigota: **bakayebogoria eyatigara ebisamunye bi'emegati, ebitonga ikomi nabibere bichire.** Nabwo bariete igo barenge abasacha chilifu isano, tiga abakungu nabanana abake.

**Luka 5:4-6**

**Goika agachia gokora ogokwana kwaye, akamotobia Simion, Su-**

**kia goika endiba, moikie ebionga biano as'okoruba.** Simion aka-moiraneria akamotobia, **Omonene, nabo twakorire emeremo obo-tuko bwonsi titonyoreti gento:** korende ase ring'ana riao natobiikie ebionga. Bagachia gokora iga, bagasangereria chinswe chinyinge mono; ebionga biabo bigachaka gotandoka.

**Mathayo 20:30 na 34**

**Nabwo abanto babere emeuko baikaransete ensembo y'enchora, bagachia koigwa ng'a Yesu ogoeta aroro, bakaaka egeturi, bakobora, Omonene, twabere, aye omwana**

**o Daudi . . . Yesu agasogwa nama-  
bera, akabakuna amaiso abo, erio**

**kegima amaiso abo akarora, baka-  
motunyana.**

## **6 YESU KRISTO NOMOTONGI NA OMONENE**

**Abaibirania 1:2**

**Nyasaye . . . Omoerio bw'amatu-  
ko aya okwanire naintwe as'O-  
mwana oye, abegete koba omo-  
nyamwando bw'ebinto bionsi, a-  
s'ere okorete ense.**

**Ogokora 2:36**

**Naboigo tiga enyomba ya Israe-  
li yonsi emanye boronge ng'a  
Nyasaye omokorire Yesu oyio  
mwabambete koba Omونene na  
Kristo.**

**Abakolosai 1:16**

**Naki asare ebinto bionsi bigato-  
ngwa, ebire igoro nebire igoro a-**

**s'ense, ebikororekana, nebitariko-  
rerekana, nonya nebirogo bi'obo-  
nene, gose oboruoti, gose obonene  
gose okobua; ebinto bionsi bigato-  
ngwa as'encheria yaye, nas'engecho  
yaye.**

**Abarumi 14:9**

**Ekiagera Kristo nakwete naende  
akaboka akaba moyo as'engecho  
eye, erinde abe Omونene as'abare  
moyo nabakure bonsi.**

**I Abakorintho 1:9**

**Nyasaye noyo bw'ekeene, as'e-  
re mwarangerigwe nere mosoe a-  
s'okobwatana kw'Omwna oye,  
Yesu Kristo Omونene oito.**

## II Timotheo 4:1

Nagochikire as'obosio bwa Nyasaye, n'Omonene Yesu Kristo, oranyare kobagambia abare moyo nabakure, as'okoroka kwaye na'sobonda bwaye.

## Mathayo 25:32

Nas'obosio bwaye nabisangere-reke ebisaku bionsi: nere nabatannane abaiga naba, buna omorisia agwatanana ching'ondi chiaye nechimbori.

## Abarumi 2:16

Ase rituko riria Nyasaye agocha konacha ekina igoro as'obobisi bwa mwanyabanto koreng'ana nenchili yane, ase Yesu Kristo.

## Yohana 5:22

Ekiagera Tata tari komogambia monto onde bwensi, korende omoire Omwana okogamba gwenosi.

## Abarumi 14:10

Korende aye inee! naseki okomogambia oyomino? Naye naseki okomochaya oyomino? Ekiagera intwe twensi natotenene as'obosio bw'ekerogo gi'ekina gia Kristo.

## Ogokora 10:42

Agatochika tobaranderie abanto na kobaorokeria ng'a oyo nere ochoretwe na Nyasaye abe omogambi bw'abare moyo, nabakure.

**Yohana 14:6**

**Yesu akamotobia, Ninche inde enchera, naende ekeene, naende obogima: Omonto onde tagocha ase Tata tatiga asende.**

**Yohana 8:24**

**As'ayio nabatebie ng'a namokwe as'ebibe biaino: naki motancheti ng'a inche nere, namokwe as'ebibe biaino.**

**Abaibirania 5:9**

**Nere gatiekire goikeranigwa, a-kaba as'engecho y'ogokonyeka gwa kare nakare as'abanto bonsi baranyare komoigwera.**

**Yohana 10:9**

**Ninche nde egesieri: omonto gagosoa as'inche, nakonyeke, nasoe, nasoke, nanyore oborisia.**

**Ogokora 4:12**

**Gose tikori gokonyeka as'onde bwonsi; naki erieta rinde tiriri inse as'erioba eribaeirwe abana-bamwanyabanto ritogwenerete gotorigwa narirorio.**

**Abaibirania 7:25**

**As'ayio, nere, nanyare kobakonya kegima abwo bagocha ase Nyasaye as'ere; ekiagera moyo are amatuko onsi kobasabera.**

**Abakolosai 1:12-14**

Mokomoakera ng'a mbuya mono Tata, oyotogweneirie intwe tonyore ensemu y'omwando bw'abachenu as'omobaso: otokonyete korwa chinguru chi'omosunte, agatong'anyia nagotosoyia as'obonda bw'obwanchani bwaye. Ekiagera asere ntore nokoborigwa as'amanyinga aye, okwabera kw'ebibe.

**Luka 19:10**

Naki Omwana-o-mwanyabanto igachete erinde arigie egiasirete na gogekonya.

**I Abakorintho 1:30**

Korende as'ere inwe mwanyarire koba ase Kristo Yesu, orenge

asetore chisemi chiruete ase Nyasaye, noboronge, nogosibigwa, nogaorigwa.

**Okomanoka 5:9**

Nabarabwo bagotera ogotera okoyia bagoteba, Kwagweneire aye koyebogoria ebuku nakobigora ebimanyererio biaye; naki ngwaitetwe, okamogorera Nyasye as'amanyinga ao abanto ba ker'eamate, nemenwa, nabanto, nebisaku.

**Tito 2:14**

Oyobweruete omonyene as'engecho yaito, erinde atoborie nogosaria gwonsi, nagwesiberia abantu babe abanyorwa baye, abare nomokia as'ogokora okuya.

**Abaibirania 9:14**

Korende tari kobua as'amanyinga aye Kristo, ere as'Omoika obotambe akerwa omonyene ase Nyasaye koba ekeng'wanso getari nakemoa, gosibia ebirengererio biaino korwa emeremo ekwete, komokorera Nyasaye ore moyo?

**Abaefeso 1:7**

Asare ntore nokoborigwa as'amanyinga aye, okwabera as'ebibe biaito, as'obonge bw'obuya bwaye.

**I Petro 1:18, 19**

Momanye ng'a timogoriri as'e-binto bigosareka, ase chifetha go-se chithahabu monyare kobua a-

s'orogendo rwaino rotagwenereti mwanyorete as'abaiso baino; korende as'amanyinga aye rigori, buna ay'emanwa y'eng'ondi etari nobobe, etari nabimoa, amanyinga a Kristo.

**I Yohana 1:7**

Korende gatoragende omobaso ime, buna ere are as'omobaso, twabwatanire intwe as'intwe, namanyinga aye Yesu Kristo, Omwana oye natosibie ebibe biaito bionsi.

**Abarumi 5:9**

Naboigo kobua mono gatwaei-rwe oboronge as'amanyinga aye natotorigwe nendamwamu asare.

## Yohana 20:31

Korende ebi biarikirwe monyare gwancha ng'a Yesu nere Kristo, Omwana o Nyasaye; naende as'ogwancha mobe nobogima a-s'erieta riaye.

## Abaefeso 2:8, 9

Naki mwakonyirwe as'obuya, as'enchera y'okwegen; nas'ayio taruete asemore abanyene; nekeegwa kia Nyasaye; gose tari as'ogokora, tacha monto onde bwoansi gwetogia.

## Abarumi 5:1

Naboigo ekero twabareirwe oboronge bokorwa as'okwegen, tiga tobe nomorembe ase Nyasaye,

as'enchera y'Omonene oito Yesu Kristo.

## Abagalatia 5:6

Naki ase Kristo Yesu okwaroka tikogwenereti ing'ana rinde rionsi gose ogotaroka: korende okwegen kogokora emeremo as'obwanchani.

## I Yohana 5:4

Naki ker'ekiaiboirwe na Nyasaye, iga gekobua ense: nokwo okobua gokobua ense, nokwegen gwaito.

## Yohana 6:28, 29

Nabo bakamotelia, Ninki togokora tonyare koyekora emere-

mo ya Nyasaye? Yesu akairane-  
ria, akabatebia, Eye nero eme-

remo ya Nyasaye, momwanche  
ere oyotomirwe nere.

12

## AMABERA A NYASAYE

Zaburi 103:11

Buna rigoro rire igoro y'ense,  
ase igo amabera aye namange ase  
baria bamoirogete.

Zaburi 103:17

Korende amabera y'OMONE-  
NE nigo are amange atai koera  
kare nakare ase baria bamosigete,  
nekeene kiaye ase abana b'abana  
babu.

Ekerero 3:22, 23

(Maombolezo)

Nase engencho y'amabera y'O-  
MONENE egerete totarasambwa,  
ase engencho amabera atai gosi-  
nywa. Amabera nigo are amayia

kera emambia: Okwegenya kwao  
nokonene.

Zaburi 108:4

Buna amabera ao are amange  
igoro: n'ekeene kiao nigo geigete  
ase amare.

Tito 3:5

Agatokonya, tari as'ogokora  
kw'oboronge twakorete, korende  
as'amabera aye, as'ogosibigwa  
gw'okoiborwa gwa kabere, nago-  
korwa omoyia as'Omoika Omo-  
chenu.

Mika 7:18

Ning'o naende okobwekaine  
Nyasaye, oy'okwabera ebibe, na

gotiga ebibe biaabasinini abanya-mwando? ere tai kogacha enda-

mwamu yaye goika kare, ase e-ngecho agokirie n'amabera.

## NYASAYE OTORANGEIRIE TOCHE ASARE

13

Okomanoka 22:17

N'Omrika nomoriakari bw'e-nyangi bagoteba, Nchuo Nere oyokoigwa atebe, Nchuo. Nere oyore nerang'o nache; oyobwanchete ayabogori amache obogima bosa.

Isaya 55:1

Ee, onde bwensi orangire, nchuo ase amache, noria otawati chibesa, nchuo, gora na karie; ee, nchuo, monyore edivai na amabere igori ritaiyo.

Isaya 1:18

Nchuo bono, erio tokwanerane, otebire OMONENE: nonya ebibe

biao n'ebimwamu nabibe ebirabu buna amagena y'embura; nonya bire ebibariri nabibe ebiororo buna amarionya.

Yohana 7:37

Nase rituko ri'omoerio, rituko riria rinene, Yesu agatenena, agakwana neriogi, okobora, Omonto karabe nerang'o tiga ache asende anywe.

Mathayo 11:28

Nchuo asende inwe mwensi abwo mwarosigwe as'emero emerito, abwo mwabunekire nechigurube, nainche nimbatimokie.

## **14 TAI ABANTO BONSI BARE ABANA BA-NYASAYE**

### **Abafilipi 2:15**

**Monyare koba abana ba Nyasaye, abatari nekemoa, gose okong'ainereria, gose motari nobobe gati y'ekegori ekere ekebe nekia bogeka, aroro as'egati yabwo mororekane koba buna emebaso as'ense.**

### **Yohana 1:12**

**Korende bonsi abamwanchete, akabaa okobua babe abana ba Nyasaye, nabwo barianchire erie-ta riaye.**

### **II Abakorintho 6:17, 18**

**As'ayio, Soka korwa egati yabo, mwatananwe nabarabwo, otebire Omonene, Gose timokuna egento k'eubi; nainche nimbaro-**

**sie, nimbe Iso asemore, Nainwe namobe abana abamura, nabaise-ke, otebire Omonene Omobui.**

### **Abarumi 8:14, 15**

**Naki bonsi baria bagotang'a-nwa n'Omoika o Nyasaye, abwo nabwo abana ba Nyasaye. Naki timonyoreti omoika bw'obosomba bokoreta okiroka; korende igo mwanyorete Omoika bw'ogokorwa abana, as'ayio torera, Tata, Oito.**

### **I Yohana 3:10**

**Naboigo abana ba Nyasaye bare maiso marore, nabana ba saitani: omonto bwonsi otari gokora boronge tarueti ase Nyasaye, no-nya noyotancheti oyomwabo.**

# EKI NYASAYE AGOTEBA IGORO YEBINYWEGWA BIGOTINDIA

15

## Isaya 5:11

Baragererigwe obobe igoro yabo baria bakoboka mambia mono, nagochaka korigia amarwa agotindia, erio bagenderera konywa rituko rigima goika botuko goika amarwa oka aichora ime yabo!

## Abagalatia 5:19-21

Nogokora kw'omobere igo kore maiso marore, nakwoko; obonyaka, eriko, okorengereria kw'omobere, ogosasima chisanamu esugu, ogwatananekana, okwerusanania, emoko, nogotinda, chigosori chime, nayande areng'aine buna a-

yio: igoro as'aya natang'anire kobatebia buna riria nakwanete maiso marore, ng'a abwo bagokora amang'ana ayio tibakonyora omwando bw'obonda bwa Nyasaye.

## Abarumi 13:13, 14

Buna egwenerete nomobaso totare as'oboronge; tari as'okoria bobo nokogosoria, nogotinda, tari as'okorengereria nechingecho chi'obotomani, tari as'eriomana ne ribero. Korende mweboe Omonene Yesu Kristo, timoa omobere ribaga goikerania ebirengerio biaye.

**Emereng'anio 16:25**

**Enchera nereo ekororekana endonge ase amaiso omonto, korende omoerio oye nechinchera chi'amakweri.**

**Mariko 10:17-22**

**Goika agachia koba ogosoka kogenda enhera, omonto oyomo agacha bwango, akamotung'ameria, akamoboria, Omworokia omuya, nki ndakore inyore koba nobogima bwa kare nakare? Yesu akamotobia, Naki okondoka omuya? tari omuya oyomo, nere Nyasaye. Kwayamanyire amachiko, Toita, Totomana, Toiba, To-**

**teba oborimo, Tong'aina, Basikeso na nyoko. Akamotibia, Omworokia, aya onsi nayabwatire korwa obwana bwane. Yesu akamorigereria mono, akamwancha, akamotibia, Kwaremeirwe ring'ana erimo: genda, ogore ebiore nabio bionsi, obae abataka, naye nobe nemonga igoro, erio oche, bwetweke omosalaba oo, ontunyane. Korende ere akanyiria obosio ase ring'ana riria, akagenda nobororo, ekiagera arenge nebito ebinge.**

**Mathayo 22:37,38**

**Yesu akamotibia, Mwanche Omonene Nyasaye oo, nomoy'oo**

**bwonsi, nenkor o yao yonsi, nobo-  
ng'aini bwao bwonsi. Oko nakwo**

**ogochika okonene, naende nakwo  
kwe ritang'ani.**

## **TIMONG'AINEKA**

**17**

**I Yohana 3:7, 8a**

**Abana bane abake omonto o-  
nde bwonsi tabasiria: oyogokora  
oboronge nare noboronge buna  
ere are noboronge: oyogokora e-  
bibe noyo o saitani; naki saitani  
igakorete ebibe korwa omochaka-  
no.**

**Abagalatia 6:3**

**Naki omonto karekage ng'a ne-  
gento, nere tari gento, igakwe-  
ng'aina omonyene.**

**I Abakorintho 6:9, 10**

**Gose timomanyeti ng'a ababe  
tibakoira omwando bw'obonda  
bwa Nyasaye? Timong'aineka: a-**

**banyak a tibakonyora obonda bwa  
Nyasaye, gose abasabi chisanamu,  
gose abatomani gose abare buna  
abakungu, gose abasacha abagwe-  
saria nabasacha, gose abaibi, gose  
abarengereria, gose abagotinda,  
gose abarami, gose abauri.**

**Yakobo 1:22**

**Mobe abakori be ring'ana, tari  
abakoigwa boka, mokweng'aina  
abanyene.**

**Abaefeso 5:6**

**Omonto tabang'aina as'ama-  
ng'ana atari nengecho, ekiagera  
as'aya okobe a kwa Nyasaye iga  
gogochera abana b'ogosaria.**

**Yakobo 1:15**

Nakoria okorengereria gokwabogoirie oborito bwaibora ebibe; na biria ebibe bigokina, bireta amakweri.

**Abarumi 8:6**

Naki okorengereria kw'ombere namakweri; korende okorengereria gw'omoika nobogima nomorembe.

**Abarumi 5:12**

As'ayio buna as'omonto oymo ebibe bigasoa as'ense nas'e-bibe ebio amakweri; naboigo amakweri akabaikera abanto bonsi, naki bonsi bakorire ebibe.

**Luka 15:32**

Naende gokora omogoko nakorora omogoko iga orenge oyoboronge: ekiagera oyo 'momura omino konya okure, nere obokire: konya osirire, nere ororekanire.

**Emereng'anio 11:19**

Oboronge n'ekeene nigo bikobwatekana n'obogima: naboigo oyokobwatia ebibe nigo akobwati amakweri.

**Ezekieli 18:20**

Omoyo ogokora ebibe, goika okwe. Omwana takonyara kobogoria ebibe bia ise, naboigo ise takonyara kobogoria ebibe bi'Omwa-

na oye. Omonyakeene goika ekee-  
ne kemenye ase ime yaye, na o-

monyabibe goika ebibe bimenye  
ime yaye.

## KRISTO AKABUA AMAKWERI

19

**Yohana 11:43, 44**

Erio gakwanire iga, akaaka eri-  
ogi rinene, Lazaro, soka isiko. A-  
gasoka oria okwete, oboirie ege-  
tambaa amagoro namaboko; obo-  
sio bwaye boboirie egetambaa.  
Yesu akabatebia, Mosansore, mo-  
motige agende.

**Yohana 10:17, 18**

As'ayio Tata nanyachete, ekia-  
gera nabekire obogima bwane, e-  
rinde inyare kobobogoria naende.  
Tari omonto okonduseria, kore-  
nde ninche nabobekire omonyene.  
Ninde nokobua kobobeka naende

ninde nokobua kobobogoria nae-  
nde. Ogochika oko iga nakonyo-  
rire ase Tata one.

**Okomanoka 1:18**

Oyore Moyo, nainche konya  
nakure, narigereria igande moyo  
goika kare nakare. Nainche ninde  
nebigorero bi'amakweri nebie chi-  
mbera.

**Luka 7:14, 15a**

Akagenda ang'e akagekuna e-  
kige; baria ababogoria bagatene-  
na. Agakwana, Omomura, nago-  
tebirie, Imoka. Keria egetondo ge-  
gaikaransa, gegachaka gokwana.

**Okoinyoria 5:7-21**

(Kumbukumbu la Torati)

Tobaisa koba nenyasaye ende obosio bwane. Tobaisa kobacha omogwekano, gose omobwekano ogento kende gionsi kere igoro gose inse as'ense, gose kere ime as'amache inse y'ense: Tobaisa kubitung'amera gose kobakorera.

Tobaisa gokwana erieta ri'OMONENE Nyasaye oo bosa: OMONENE goika amobarere amamocho onde bwensi ogokwana erieta riaye bosa.

Renda esabato na koyekora enchenu, buna OMONENE Nyasaye oo agochigete. Amatuko atanano narimo okore emeremo, na

oyekore yonsi: Korende rituko ri-agatano na kabere nario esabato y'OMONENE Nyasaye oo.

Mosike iso na nyoko, buna OMONENE Nyasaye oo agochigete. . .

Gose tobaisa gokora obotomani: Gose tobaisa koiba.

Gose tobaisa goita: Gose tobaisa gotebera omoamate oo oborimo:

Gose tobaisa komosanera omokungu bw'omoamate oo: Gose koba n'endamwamu ase enyomba y'omoamate oo: Gose omokori emeremo obande, gose abasubati bagokonya emeremo y'omoamate

oo, gose chiombe chiaye, chibunda chiaye gose gento kende gio-

nsi kiabande tobaisa gokerorera endamwamu.

## TOKONYARA KWEBISA KORWA ASE NYASAYE 21

**Emereng'anio 15:3**

Amaiso y'OMONENE nigo akorora kera aase na korora amabe n'amaya onsi.

**Luka 8:17**

Ekiagera ring'ana tiriri rirabiske, ritache kooroka; gose ring'ana rirabiswe, ritache komanyekana maiso marore.

**Zaburi 139:8 na 12**

Kondarine igoro, nao ore: Kondaroisie oboraro bwane ase jehanamu, rigereria nao ore. . . ekeene, omosunte togokobisa gento; obotuko nigo borabete buna

omobaso: Omosunte n'omobaso bionsi nigo bibwekaine ase ore.

**Yeremia 23:24**

Inee, monto onde nanyare kwebisa ase obobisi intanyare komorora? Oboririe, OMONENE. Inee, tinyichiri igoro n'ense yonsi? Oboririe OMONENE.

**Ayubu 34:21, 22**

Amaiso aye nigo aroche chinchora chia kera omonto, narache okogenda gwensi. Omosunte toiy, gose rirengari ri'amakweri, ase abagokora amabe baranyare kwebisa aroro.

# EGESUSURO GETAKOERA ASE ABATAMOMANYETI NYASAYE

## II Petro 3:7

Korende igoro ya bono nense biagachirwe emonga as'omorero, ase ring'ana erio erio, birendwe goika rituko ri'ekina, neri'ogosirigwa kwabo mwanyabanto abatamosigeti Nyasaye.

## Mathayo 25:46

Nabanto aba nabagende as'o-goitwa gwa kare nakare, k'abanyene oboronge nabagende as'o-bogima bwa kare nakare.

## Zaburi 9:17

Abanyabibe nigo baraonchowewe gochia jahanamu, nebisaku bionsi biria biamwebire Nyasaye.

## Mathayo 18:8

Nekerakogoche, onye nokoboko kwao, nonya nokogoro kwao, konache, ogotugute are naye: mbuya asore osoe as'obogima kore omonungu gose ekerema, kobua gotugutwa kore namaboko abere namagoro abere as'omorero o kare nakare.

## Mathayo 13:41, 42

Oria Omwana-o-mwanyabanto nabatome amalaika aye, nababarwo nabasangererie korwa obonda bwaye, amagochwa onsi, nabagokora ebibe. Babatugute as'eriko ri'omorero; babe nekerero aroro nokoriania amaino.

## Abarumi 14:12

Bono onye naboiigo, ker'omo-  
nto ime asetore narusie amang'a-  
na aye omonyene as'obosio bwa  
Nyasaye.

## I Yohana 4:17

Iga obwanchani bwaikerani-  
gwe asetore erinde tobe nobore-  
mu ase rituko ri'ekina; ekiagera,  
buna ere are, naboiigo tore nai-  
ntwe as'ense ime.

## Ogokora 17:31

Ekiagera obekire rituko eriago-  
cha kobanachera ekina, ab'ense a-  
s'oboronge as'omonto oria ache-  
rete; nere obaeire abanto bonsi e-  
kiorokererio ki'amang'ana aya a-  
s'okomobokia korwa as'amakweri.

## II Petro 2:9

Omonene namanyete kobako-  
nya abamosigete korwa as'ogote-  
mwa, nakbabeka abatari ba bo-  
ronge inse as'okoakwa goika ri-  
tuko ri'ekina.

## Abaibirania 9:27

Buna abanto bagacheirwe ogo-  
kwa ara rimo rioka, na nyuma  
y'ogokwa ekina.

## II Abakorintho 5:10

Naki netogwenerete intwe i-  
ntwensi koorokigwa as'obosio  
bw'ekerogo gi'ekina gia Kristo; e-  
rio ker'omonto anyore koreng'a-  
na buna are gokora as'omobere,  
onye bire ebiya gose ebire ebibe.

**I Petro 5:5b**

. . . Nyasaye igakoamererania nabanyene oboenenu, nakobaa abaitongo obuya.

**II Abakorintho 9:15**

Nyasaye airanerigwe mbuya mono as'engecho y'ekeegwa kiaye, totanyare gokebara buna egwenerete.

**Abarumi 9:16**

Bono, onye naboiigo, tari as'okobua kw'oria oyorigetie, nonya nokw'oria okominyoka chimbero, korende nokw'oria okororera amabebere nere Nyasaye.

**II Abakorintho 8:9**

Naki mwamanyire obuya bw'omonene oito Yesu Kristo, buna a-

bete omotaka as'engecho yaito, karenge omonda, erinde inwe monyare koba abanda as'obotaka bwaye.

**Abarumi 5:15**

Korende ekeegwa keria tikiaringe buna okomocha koria. Naki, ekiagera as'okomocha kwaye oria oyomo abange bagakwa, kobua mono obuya bwa Nyasaye, nekeegwa igokere as'obuya bw'omonto oyomo Yesu Kristo, kiamentekire as'engecho ya baria abange.

**Ogokora 4:33**

Nabatomwa bakaorokia amang'ana okoboka kwaye Yesu ase chinguru chinyinge. Obuya obonge bokaba igoro asebare bonsi.

## Ogokora 3:19

Onchoka rende, moirane erinde ebibe baino bitinyigwe, binyare gocha ebiro bi'ogotimoki-gwa korwa as'obosio bwaye O-monene.

## Luka 13:3

Nabatebirie Taibo: korende motaonchogeti imwensi namosire boigo.

## Ezekieli 18:31

Rusia amamocho amo nebibe biao bionsi ase gwasaririe; eroi-serie enkoro enyia n'omoika omoyia: nase ki oranyare gokwa, aye enyomba ya Israeli?

## Mathayo 3:2

Onchoka, ekiagera obonda bw'igoro bwaikire ang'e.

## Ogokora 17:30

Naboigo ebiro biria bi'oboriri Nyasaye igaombetie buna tarochi; korende bono nkobaranderiare abanto bonsi ba ker'aase baonchake.

## II Abakorintho 7:10

Naki ogoichana kore as'obosio bwa Nyasaye iga gogokora okoonchoka gokoreta ogotoreka gotari nagweitia: korende ogoichana gw'ense iga gogokora amakweri.

**Ogokora 5:31**

**Omonto oyio Nyasaye omoimokereirie igoro as'okoboko kwaye gw'okorio, ab'Omonene naende Omokonyi, abae Abaisraeli okoonchoka nokwaberwa kwebibe.**

**Okomanoka 3:20**

**Rigereria, natenenire egesieri gotura; omonto karaigwe eriogiriane nakoigora egesieri, ninsoe asare, nindagere amo nere, nere amo nainche.**

**Ezekieli 18:21**

**Omonyabibe aise goonchoka korwa ase ebibe biaye ebi akorire, na koyagacha amachiko ane, na**

**koyakora aya amachiko noboronge, ekeene ere namenye, nere tagokwa.**

**Mariko 2:5**

**Yesu ochia korora okwegena kwabo akamotebia oria omoneyenne okoiguswa, Omwana one, ebi-be biao biabeirwe.**

**Mathayo 6:14**

**Naki inwe kamorababere abantoo ogosaria kwabo, n'Iso oino o igoro nababere inwe.**

**Isaya 55:7**

**Omonyabibe tiga ayetige enchera yaye, n'omonto otari bw'oboronge abitige ebirengererio**

biaye: tiga amoiranere **OMONE-NE**, nere namororere amabera;

na Nyasaye oito, ekiagera ere namwabere kegima.

## **OGWATANANWA KORWA EBIENSE**

**27**

**Abakolosai 3:2**

Rigia ayare igoro, tari ayare a-s'ense.

**Abaefeso 5:11**

Gose timobwatana nogokora gotakwama okw'omosunte, korende mogokanie.

**I Yohana 2:15, 16**

Timwancha ense, nonya nebito bireo as'ense. Omonto karanche ense, okomwancha Tata tikooyo asare. Naki ekereo ime ense, nokorengereria kw'omobere, nokorengereria kw'amaiso, noboenenu bw'obogima obwo, tibo-

rueti ase Tata, korende iga boruite as'ense.

**Tito 2:11, 12**

Naki obuya bwa Nyasaye bogokonya mwanyabanto bonsi bwarorekanire: bogotworokia kwanga obobe nokorengereria gw'ense, nakoba moyo as'obong'aini boisanete, noboronge, nakoba nechingecho chia Nyasaye, as'ense eye ya bono.

**Isaya 1:16**

Esibie, kabe omorabu; rusia ebibe bi'ogokora kwao okobe ase amaiso ane; tiga gokora ebibe.

**Yohana 3:3**

Yesu akairaneria, akamotebia, Ekeene, ekeene, nagotebirie, Omonto ataiboiri eria kabere, takonyara koborora obonda bwa Nyasaye.

**I Yohana 5:18**

Twamanyire ng'a ker'omonto oiboirwe na Nyasaye takomocha; korende ere oyoiboirwe na Nyasaye igakwerenda, noria omobe takomokuna.

**Ezekieli 36:26**

Enkoro enyia ninkoe, nomoika moyia nimbeke ime yao: ninyerusie enkoro yerigena ase omober oo, nainche ninkobekere enkoro y'enyama.

**I Yohana 2:29**

Komokomanya ng'a ere nomonyene oboronge, manya ng'a oyogokora boronge oiboirwe nere.

**I Petro 1:23**

Ekiagera mwaiboirwe eria kabere, tari as'embusuro egosareka, korende eyetari gosareka, ase ring'ana ria Nyasaye rinyene obogima, na rikobao goika kare nake.

**II Abakorintho 5:17**

As'ayio omonto karabe ime ase Kristo, negetongwa ekeyia; ebia kare biaetire; rora, bionsi bia-beire ebiyia.

# OGOKWA ASE EBIBE — OKOBOKIGWA ASE KRISTO

## Abakolosai 3:1

**Gaki onye mwabokire amo na Kristo, rigia ayare igoro aase Kristo aikaransete, as'okoboko gw'okorio kwa Nyasaye.**

## I Petro 2:24

**Ere omonyene akabogoria ebibe biaito as'omobere oye igoro as'omote, erinde, gatwakure as'amang'ana ay'ebibe, tobe moyo as'amang'ana ay'oboronge; as'okoakwa kwaye mwagwenigwe.**

## Abagalatia 5:24

**Nabwo bare abanto ba Kristo Yesu babambire omobere amo**

nokogania okobe nokorengereria kwaye.

## Abarumi 6:2 na 11

**Intwe abwo twakure as'ebibe naki torabe moyo as'ebibe naende? . . . Naboigo ninwe mwebare ng'a mwabeire abakure as'ebibe, korende mwabeire moyo ase Nyasaye ase Yesu Kristo.**

## Abaefeso 2:1 na 6

**Nainwe agwo ekero mwarenge ebitondo, as'engecho y'okomocha kwaino nebibe biaino, akababokia... agatobokia amo nere, agatoikaransia amo nere aase a igoro ase Kristo Yesu.**

**Yohana 3:14,15**

Naende buna Musa aimogetie eng'iti eroro ime, naboigo Omwana - o - mwanyabanto agwenerete aimokererigwe: Erinde tasira o-monto onde bwonsi oyomwanchire, korende abe nobogima bwa kare nakare.

**Yohana 3:36**

Oyoramwanche Omwana nare nobogima bwa kare nakare; no-yotamoigwereti Omwana takorra obogima, korende nendamwamu ya Nyasaye eramoikaransere.

**Abagalatia 6:8**

Naki ere oyorasimeke as'omobere oye, as'omobere oye nagese

ogosareka; korende ere oyorasimeke as'Omoika, as'Omoika nagese obogima bwa kare nakare.

**Yohana 5:24**

Ekeene, ekeene, nabatebirie, oyokoigwa ring'ana riane, nako-mwancha ere oyontomete nare nobogima bwa kare nakare, gose tagoika as'ekina, korende oetire korwa as'amakweri goika as'obogima.

**Abarumi 6:23**

Naki eng'eria y'ebibe nama-kweri; korende ekeegwa kia Nyasaye nobogima bwa kare na kare ase Yesu Kristo Omonene oito.

## Yohana 14:21

Oyore namachiko ane, nakoya-bwata, ere nere onyanchete: nere oyonyanchete nanchwe na Tata one, nainche, nimwanche, nakwe-orokia asare.

## Isaya 32:17

Emeremo yaboronge nero o-morembe, na ogokora ay'ekeene ase obwororo n'okoenechia gotai nomoerio.

## Abagalatia 4:6

Nekiagera inwe more abana, Nyasaye agatoma Omoika bw'Om-wana oye ase chinkoro chiaito, okorera, Abba, Tata.

## I Yohana 4:13

Iga twamanyire ng'a iga toika-ransete ime asare, nere ime ase-tore, ekiagera otoeire as'omoika oye.

## I Yohana 3:18, 19

Abana bane abake, titwancha ase ring'ana gose as'oromeme, ko-rende as'ogokora nas'ekeene. Iga natomanye ng'a iga tore ab'ekee-ne, nas'obosio bwaye natoremie chinkoro chiaito.

## Abarumi 8:16

Omoika omonyene obeire kiro-ri amo nemeika yaito, ng'a intwe nabana ba Nyasaye.

## **32 KRISTO OMENYETE IME OKORWA OMOGOKO**

**Yohana 17:13**

**Na bono ngochande asore, nya nayakwanire as'ense ime, erinde babe nomogoko one oikera-nigwe ime yabo.**

**Abarumi 14:17**

**Naki obondo bwa Nyasaye tari okoria nokonywa, korende a-s'oboronge nomorembe nomogoko as'Omoika Omochenu.**

**Abagalatia 2:20**

**Nabambirwe amo na Kristo; gose tari inche naende, korende Kristo moyo are ime asende nobogima inde naborobwo bono as'omobere ninde naborobwo a-**

**s'okwegenwa kw'Omwana o Nya-saye onyanchete, akerwa omobe-re oye as'engecho yane.**

**Zaburi 16:11**

**Aye nonyorokie enchera yobogima: asore omogoko nao oichire; ase okoboko kwao okorio omogoko otakoera nao ore.**

**Yohana 15:11**

**Aya nabatebirie, erinde omogoko one obe ime yaino, naende omogoko oino oikeranigwe.**

**Isaya 12:3**

**Ase omogoko nobuche amache ase egesima ki'ogotoreka.**

Okoinyoria 11:26-28a

(Kumbukumbu la Torati)

Rigereria, rituko eriga nabekire  
ogosesenia n'okoragereria ase o-  
bosio bwao; Ogoesenigwa, kora-  
sike amachiko y'OMONENE  
Nyasaye oo, ayandagochike rero:  
Na okoragereria korange koyasi-  
ka amachiko y'OMONENE Ny-  
saye oo.

Abarumi 6:16

Timomanyeti nga'a asere oria  
mwarure emebere yaino koba a-  
basomba baye, nakomokorera, i-  
go more abasomba baye ere oria  
moigwerete: onye nobosomba

bw'ebibe bokoreta amakweri gose  
obosomba bw'okoigwera bokore-  
ta oboronge?

II Abathesolonike 1:7-9

Nakobaakana inwe mogocha-  
ndwa omogoko amo naintwe e-  
keri ki'okoorokigwa kwaye Omo-  
nene Yesu korwa igoro amo na-  
malaika ay'okobua kwaye: as'o-  
morero ogwoka, kobaakana enda-  
mwamu barabwo abatamomanye-  
ti Nyasaye, nabwo abataigwereti  
enchili y'Omonene oito Yesu Kri-  
sto: abaranyare gochandwa as'o-  
gosareka gwa kare nakare, korwa  
obosio bw'Omonene nakorua o-  
bonene bwe chinguru chiaye.

**Abafilipi 2:11**

**Ker'oromeme rwatore ng'a Yesu Kristo n'Omonene, as'obonene bwa Nyasaye Tata.**

**Mathayo 10:32, 33**

**As'ayio ker'omonto oranyatore as'obosio bwa mwanyabanto, nainche nanche komwatora as'obosio bwa Tata one ore igoro. Korende oyoranyange as'obosio bwa mwanyabanto, nainche namwange as'obosio bwa Tata one ore igoro.**

**Abarumi 10:9, 10**

**Korende koramoorokie Yesu Kristo as'omonwa oo, nakomwancha as'omoyo oo' ng'a Nyasaye**

**namobogetie korwa as'amakweri, nokonyeke. Naki as'enkoro abantu igobakwegena baikera oborange; nas'omonwa oorokia goika onyora ogotoreka.**

**I Yohana 2:23**

**Ker'oyokomokana Omwana, tari na Tata; ere oyogwatora omwana igare na Tata nere.**

**Luka 9:26**

**Ekiagera ker'omonto orandore-re obosoku inche namang'ana a-ne, Omwana-o-mwanyabanto namororere obosoku oyio kagocha as'obonene bwaye, nobw'Ise oye, nobw'amalaika amachenu.**

## II Abathesolonike 2:9

Ere, ogocha kwaye nkore as'o-mogwekano bw'ogokora emeremo yaye Saitani, as'okobua gwnsi nebikone bi'ogokumia kw'obrimo.

## Ogokora 26:18

Obaramokie amaiso abo, batige omosunte nakoyoiranera omo-baso, nagochitiga chinguru chia Saitani nakoomoonchokera Nyasaye, banyore okwaberwa kw'ebibe biabo, nomwando as'egati yabo abasibigwe as'okwegena kore ime asende.

## I Petro 5:8

Kabe nobog'aini bw'okwerita, renda, ekiagera omobasoeri oino

Saitani, buna esibwori ekoruma, egoetanana tanana, ekorigia omon-to emorie.

## Abaefeso 6:11

Eboe ebinto bionsi, bi'esegi bia Nyasaye, monyare gottenena korwania obong'ainereria bwa saitan.

## Mathayo 4:1 na 10, 11

Erio Yesu akairwa eroro ime n'Omoika Omochenu, gochia gotemwa na saitani. . . Erio Yesu akamotobia, Genda bwoo Saitani: ekiagera narikire, Mosasime O-monene Nyasaye oo, omokorere ere bweka. Erio saitani akamotiga; na rora, amalaika bagacha bakamokorera.

**Yakobo 4:7, 8a**

Gaki mwebeke inse ase Nyasaye; mwange Saitani, nere nabatame. Moika ang'e Nyasaye, nere nabaike ang'e nainwe.

**Abaibirania 2:14**

Gaki, ekiagera abana babwatanire namanyinga nomobere, ere nere naboigo abwatanete nayio; erinde as'enchera y'amakweri amosarie ere oyorenge nechinguru chi'amakweri engecho yaye saitani.

**I Yohana 3:8**

Oyogokora ebibe noyo o saitani; naki saitani igakorete ebibe korwa omochakano. As'engecho

eye Omwana o Nyasaye akaorokigwa, erinde ayesarie emeremo ya saitani.

**II Abathesolonike 2:8**

Erio agwo naorokigwe oria omosaria, oyio Omonene Yesu namoite as'omoika bw'omonwa oye, nakomosiria as'okoorokigwa kwaye kagocha.

**Abarumi 8:35 na 37**

Ning'o oratwatanane nobwanchnani bwa Kristo, Inee, nogochandwa, gose obororo, gose nokorosigwa, gose nenchara, gose gesobono, gose nemechando, gose nemioro? . . . Korende as'amang'ana aya onsi twabaire ababui, nakobua nas'ere oyotwanchete.

**Yohana 13:35**

Iga abanto bonsi nabamanye  
ng'a naborokigwa bane more, ko-  
morabe nobwanchani inwe as'i-  
nwe.

**Yohana 21:16**

Akamotibia, eria kabere, Si-  
mon o Yohana, nonyanchete? A-  
kamotibia, Ee, Omonene aye  
kwamanyire ng'a ningwanchete,  
Akamotibia, Risia ching'ondi chi-  
ane.

**I Abakorintho 13:1**

Kondakwane as'emenwa ya  
mwanyabanto neya amalaika, o-  
nye tindi nobwanchani, nabeire

buna etai ekwoga, gose endege  
ekobuga.

**Abagalatia 5:22,23a**

Korende okwama kw'Omoika,  
nobwanchani, omogoko, omore-  
mbe, oboremereria, ogokora a-  
maya, obuya, okwegena, obwo-  
roro, okwerita as'onsi, igoro a-  
s'aya onsi machiko tari.

**I Yohana 4:20**

Omonto karabore, Namwanchi-  
re Nyasaye, nere namogechete  
oyomwabo, nomorimo: naki oyo-  
tamwancheti oyomwabo ere oyo  
aroche, takonyara komwancha  
Nyasaye ekiagera tamorochi.

**Ogokora 10:39-41**

Naintwe igotore abarori b'a-mang'ana onsi ayarenge gokora as'ense y'Abayahudi nase Yerusalem; ere bakamoita bakamosunga as'omote. Oyo Nyasaye aka-mobokia rituko ria gatato aka-mwanchera kooroka. Tari as'aba-nito bonsi, tatiga as'abarori aba-choretwe na Nyasaye, nabwo i-ntwe, twarengé koria na konywa amo nere nyuma as'okoboka kwa-ye.

**Yohana 20:26-28**

Nyuma y'amatuko atano nata-to aborokigwa baye mbarenge aroro ime eria kabere, na Thomas

amo nabarabwo. Yesu agacha, e-bisieri bisiekire, agatenena gati gati, akabora, Omorembe obe a-semore. Erio akamotobia Thomas, Reta aiga ekiara kiao, orore amaboko ane; korete okoboko kwao, obeke ase rikere riane: to-ba oyotancheti, korende oyo bwe-genete. Thomas akairaneria, aka-motobia, Omonene one, na Nyasaye one.

**Mariko 16:9**

Kabokire Yesu mambia rituko rie ritang'ani ri'echuma akamoo-rokera ritang'ani Mariamu Omo-magadali, ere oria arusetie ebire-chaa bitano nabibere.

## Mathayo 16:21

Korwa ekero ekio Yesu agachaka koborokereria aborokigwa baye ng'a nemogwenerete kogenda Yerusalem, nogochandwa okunge nabakuani abanene, nabariki, nagoitwa, nakoboka ase rituko ria gatato.

## Abarumi 6:3-5

Timomanyeti ng'a intwe tensi twabatisetwe ase Yesu Kristo igo twabatisetwe as'amakweri aye? Naboigo twatindegetwe amo nere as'enchera y'ebatiso as'amakweri aye: koreng'ana buna Kristo abogete as'enchera y'obonene bw'Ise, naboigo naintwe, totare

as'oboyia bw'obogima. Naki onye twabwatanire amo nere as'omogwekano bw'amakweri aye, naboigo nas'omogwekano bw'okoboka kwaye.

## Yohana 5:25 na 28, 29

Ekeene, ekeene, nabatebirie, Ensa ngochere, nabono nere, ebitondo biraigwe eriogi ri'Omwana o Nyasaye; nabaria bakorigwa nababe moyo. . . Timokumia as'aya: naki ensa ngochere, ekero abanto bonsi bare ase chimbera ime biraigwe eriogi riaye, nabarabwo nabasoke; baria abare gokora amaya as'okobokigwa kw'obogima, nabaria abakorire amabe as'okobokigwa gw'ekina.

**I Petro 1:15**

Korende buna ere oyobarangeirie are omochenu, inwe nainwe mobe abachenu as'orogendo rwaino rwonsi.

**Luka 1:74, 75**

Ng'a natoe intwe, gotorakonye-ke namaboko ababisa baito: Tomosasime totari nokiroka: A-s'obochenu nas'oboronge as'obo-sio bwaye amatuko aito onsi.

**II Abakorintho 7:1**

Nabo, ekiagera tore nechiira echio, abanchani, twesibie eme-bere yaito eubi yonsi y'omobere

nomoyo, toikeranie obochenu a-s'ogosika Nyasaye.

**II Timotheo 2:21**

Gaki karabe omonto ogwesibia as'ogweatanana naba, nabe ege-nto gekonyora ogosikwa, giasibi-gwe, kemogwenerete Omونene, kiarosigwe ase ker'emeremo ere emiya.

**I Petro 1:2**

Buna Nyasaye atang'anire kobamanya korwa kare as'ogwesi-bia kw'Omoika, goika okoigwera na konyororokerigwa amanyinga a Yesu Kristo: Obuya nomore-mbe bimenteke asemore.

## Isaya 35:8

Ebara engare nebeo, nenchera, nero nerokwe enchera y'obochenu; egetari ekerabu tigekonyara goeta aroro; korende nebe ase baria: abanto abaeti, nonya nabariri, tibakonyara gotacha aroro.

## Abaibirania 13:12

As'engecho eye Yesu nere, erinde abasibie abanto baye as'amanyinga aye omonyene, agachand-rwa as'egesieri isiko.

## I Yohana 1:9

Gatorabioorokie ebibe biaito, ere nomonyene ekeene noy'oboro-

nge natorusie ebibe biaito, nago-tosibia obobe bwonsi.

## Mathayo 3:11

Inche as'amache nkobatisera as'engecho y'ogoonchoka: korende ere orache nyuma yane nare ne-chinguru kombua, ntagwenere koi-mokeria ebikoroto biaye; nere orabatise n'Omoika Omochenu, nomorero.

## Abaefeso 1:4

Buna atochorete asere, ritanga-ni ense etarabekwa oboroso, erinde tobe abachenu, totari nekemoa as'obosio bwaye, as'obwan-chani.

**Ogokora 13:52**

**Naborokigwa bagaichorwa no-mogoko n'Omoika Omochenu.**

**Abarumi 8:9**

**Korende korabe Omoika o Nyasaye noikaransete ime yaino, inwe timorigotunyana chingecho chi'omobere, korende chingecho chi'omoika. Korende monto onde bwonsi atari n'Omoika o Kristo, oyio tari omonto oye.**

**Ogokora 4:31**

**Goika bagachia gokora gosaba, aas'aria basangererekane, agatengechigwa, bonsi bagaichorwa n'Omoika Omochenu, bagakwana ring'ana ria Nyasaye as'oboremu.**

**Ogokora 1:8a**

**Korende namonyore chinguru, ekero obacheire Omoika Omochenu: nainwe namobe abarori bane ase...**

**Luka 11:13**

**Nabo, onye inwe abamore ababe mwamanyire kobaa abana baino ebiegwa ebiya, inee, Tata oino ore igoro, takomenta mono kobaa bonsi abakomosaba Omoika Omochenu?**

**Ezekiel 36:27**

**Nimbeke Omoika one ime yao, nagogokora kogenda ase amachiko ane, naye nogache ogochika kwanne, na gokora ime yaye.**

**Okomanoka 21:4**

Nere natinyie kera ririga as'a-maiso abo; amakweri takobao na-ende; nonya nokweumia, nonya nokorera, nonya nobororo tibo-kobao naende: ekiagera amang'a-na eritang'ani atiekire goeta.

**Zaburi 34:18**

**OMONENE** nigo akobaika a-nge baria babwate emiyo ebune-gete; na kobakonya ab'Omoika oichanerete ebibe.

**Isaya 66:2**

Ebinto ebio bionsi amaboko ane arosetie, nebinto bireo bionsi, otebire **OMONENE**: Korende a-

se omonto oyo nindigererie, nase oria omotaka na oria obwate o-moika oichaine, nagotengiwa ase ringana riane.

**Zaburi 37:3**

Egene **OMONENE** na kora a-maya; nario oramenye ense, e-keene nabo oraragerigwe.

**I Petro 4:12, 13**

Abanchani timorora ng'a nogokumia eria emechando yabanyo-rire buna omorero ng'a motemwe, onye gose negento ekegeni kiabanyorire: Korende buna mwabwanete nemechando ya Kristo go-ka; erinde as'okomanoka kw'obonene bwaye mogoke as'ogosasoka.

## Abaibirania 2:18

Naki achandetwe gatemirwe,  
nanyare kobakonya abwo bagote-  
mwa.

## Zaburi 34:19

Emechando y'abanyene oboro-  
nge nemenge, korende OMONE-  
NE nigo akobakonya ase onsi.

## Isaya 43:2

Ekero okwamboka amache, ni-  
mbe amo naye; nase chindoché,  
amache takonyara goichora goeta  
igoro yao: ekero ogoeta ime y'o-  
morero, tokonyara gosambwa;  
gose nonya nechinsase chi'ekebe-  
mberi ki'omorero tichikonyara go-  
gosamba yaya.

## Abarumi 8:28

Na twamanyire ng'a amang'ana  
onsi igakoba amo as'ogokora oko-  
mo, erio abanyorerera amaya baria  
bamwanchete Nyasaye, barabwo  
baria barangerigwe as'engecho ya-  
ye.

## I Abakorintho 10:13

Ogotemwa tikwabanyorete i-  
nwe, tatiga koreng'ana buna okwa  
mwanyabanto baranyare koreme-  
reria: Korende Nyasaye noyo bw'e-  
keene, takobatiga motemwe kobua  
oko moranyare; korende amo na-  
koria ogotemwa nakore egesieri  
mogosokera erinde monyare kore-  
mereria.

## Okomanoka 3:5

Ere oyorabue nabekwe chianga chindabu, nainche tinkoritinyia erieta riaye korwa as'ebuku y'obogima nonya ng'ake, nainche nindiatore erieta riaye as'obosio bwa Tata one, nas'obosio bw'amalaika aye.

## Okomanoka 3:12

Ere oyorabue, nimokore esiro ase hekalu ya Nyasaye one, nere tagosoka koruaο nonya ng'ake: nainche nindike igoro yaye erieta ria Nyasaye one, nerietat ri'omo-chie o Nyasaye one, Yerusalem ore omoyia, ogoika korwa igoro ase Nyasaye one, nerietat riane onmyene, rire riyia.

## Okomanoka 21:7

Ere oyorabue nayanyore aya; nainche nimbe Nyasaye oye, nere nabe Omwana one.

## Okomanoka 2:7

Ere oyore namato, aigwe ring'ana eri Omoika ogochitebia chikanisa. Ere oyorabue, nimoe koria amatunda ay'omote bw'obogima ore gati gati as'Omogondo o Nyasaye.

## Okomanoka 3:21

Ere oyorabue, nimoe goikaransa amo nainche as'ekerogo kiane ki'obonene, buna inche nabuete ngai-karansa amo na Tata one as'ekerogo kiaye ki'obonene.

# NYASAYE OGOKWANA NAINTWE IGORO Y'OGOTIGANA

**Mathayo 5:32**

Korende inche nabatebirie, ng'a ker'onde omo oratige mokaye, otanga nas'engecho y'obotomani, nkomobekare as'ogotomania; noyoramonyuome oyotigirwe otomanire.

**Abarumi 7:2, 3**

Naki omokungu ore nomosacha oye igasibire namachiko as'oria omosacha ekero are moyo: korende karakwe omosacha oria, osiboirwe korwa as'amachiko omosacha. Naboigo ekero are mo-

yo omosacha oye, abe nomosacha onde, igakorokwa omotomani: korende karakwe omosacha oye osiboirwe, tasibiri namachiko ayio, goika ere tari omotomani nonya naba nomosacha onde.

**I Abakorintho 7:10, 11**

Korende baria batiekire konyumana nachikire, gose tari inche, korende Omونene, Omokungu tatigana nomosacha oye. Korende, karabe otiganire nere, aikaranse tanyuomwa, gose abwatane nomosacha oye naende; naende nomosacha tamotiga mokaye.

## Mathayo 24:27

Naki buna ekomesa korwa moca yabara gochia bosongo, na boigo korabe ogocha kw'Omwana-o-mwanyabanto.

## Mariko 8:38

Naki oyio oranyare kondorera obosoku inche namang'ana ane, as'ekegori eke ki'obotomani nebi-be, Omwana-o-mwanyabanto namororere obosoku ere gagocha as'obonene bw'Ise amo namalai-ka amachenu.

## Yakobo 5:8

Nao, nainwe remereria; kong'ia chinkoro chiaino, naki ogocha kwaye Omonene kwabaire ang'e.

## Mathayo 24:30

Erio nario kerache kororekana igoro egekone ki'Omwana-o-mwa-nyabanto: nario ebisaku bionsi bi-'ense birarere: naende nabamorre Omwana-o-mwanyabanto ogocha as'amare a igoro, nechinguru, nobonene obonge.

## Yohana 14:3

Kondagende kobaroseria aase, ninchiche naende, nimbaroisie a-sende; erinde asende inche, nai-nwe mobeo.

## Okomanoka 3:11

Rigereria, ninchiche bwango: bwata mono ekiore nakio, tacha omonto ayeire egutwa yao.

**I Yohana 3:2**

**Abanchani, bono ntore abana ba Nyasaye, korende taraoroki-gwa buna torache koba.** Korende twamanyire ng'a rigor araoroke, natogwekane nere; naki natomorre buna are.

**Okomanoka 16:15**

**Rigereria, ngochande buna omo-ibi.** Nare negesio oyokorenda, no-yokorosia chianga chiaye, tage-nda getirianda, barore obosoku bwaye.

**Ogokoara 1:11**

**Bakabora, Abanto ba Galili na-ki moteneine mokrigereria igo-ro?** Oyo Yesu, obogorigwe korwa asemore kogenda igoro, na-

bo arache omogwekano oyio oyio buna mwamorora akogenda igoro.

**Mathayo 16:27**

**Naki oria Omwana-o-mwanya-banto naoroke nobonene bwa Ise amo namalaika aye, nekero ekio ng'ae ker'omonto buna ebio arego-kora.**

**Luka 21:27**

**Nerio nabanyare komorora Omwana-o-mwanyabanto ogocha a-s'amare ase chinguru nobonene obonge.**

**Luka 12:40**

**Nainwe, nabo, mobe ange: eki-agera ensa motakagereti, Omwana-o-mwanyabanto agocha.**

# RINGANA RIA NYASAYE

II Petro 1:21

Naki obobani tibwaretetwe kare as'obwanchani bwa mwanyabato: korende mwanyabanto abachenu ba Nyasaye, bagakwana, as'ogotang'anwa n'Omoika Omochenu.

Zaburi 119:105

Ringana riao netaya ase amagoro ane, noborabu ase enchera yane.

Mathayo 22:29

Yesu akabairaneria akabatebia, Mwasirire inwe ekiagera motamanyeti amariko, nonya nokobua kwa Nyasaye.

Luka 21:33

Igoro nense nabiete: korende amang'ana ane tagoeta nonya ng'ake.

II Timotheo 3:16

Kera ririko, rire nomoika o Nyasaye, ndigwenerete as'okworokia, nas'okobakonya abanto okomocha kwabo, nas'okobatang'ana, as'okobakanya as'enchera y'oboronge.

Zaburi 119:11

Ringana riao nabisire ase enkoro yane, erio tinyara gokora ebibe ase obosio bwao.

Scripture text is from the Bible in Ekegusii by United Bible Societies Africa Regional Centre, Nairobi, Kenya. Used by permission.

---

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

